

A. cō ō.

COGITATIONES

De

MIRACVLO PISCINAE
BETHESDAE

ad

Joh. Cap. V. comm. 1–V.

placidae Φιλοσοφούντων censurae

PRAESIDE

GOTTFRIDO OLEARIO, P.P.

Praeceptore suo ad cineres

vsque colendo,

IN AVDITORIO PHILOSOPHORVM

subiiciet

RESPONDENS et AVTOR,

DAVID EBERSBACH,

Suidnicensis Silesius.

ad d. XXX. Januar. A. cō 13 cc VI.

L I P S I A E,

LITERIS IOH. ANDR. Schou.

V I R O.
ILLVSTRI. ET. MAGNIFICO.
DOMINO.

GOTTLIEB. MILICHIO.
ICTO. CONSVMMATO.

S. CAES. MAIESTATI. A. CONSILIIIS.
ET. IN. CONSILIO. REGIO.

SVIDNICENSI. ET. IAVORENSI.

SECRETARIO.

58700(1)



V I R O.

SVMMME. REVERENDO.

DOMINO.

OTTFRIDO. FVCHSIO.

ECCLESIAE. EVANGELICAE.

IN. DVCATV. SVIDNICENSI.

PASTORI. PRIMARIO.

RERVMQVE. ECCLESIASTICARVM.

INSPECTORI

ILLI.
SVMMIS. IN. PATRIAM. REMP.
HVIC.
IN. ECCLESIAM. MERITIS.
MAXIME. ILLVSTTRIBVS.
RELIGIONIS. SINE. SVPERSTITI ONE.
ERVDITIONIS. SINE. IACTANTIA.
PRVDENTIAE. SINE. DOLO.
EXEMPLIS.
PATRONIS. SVIS. OPTIMIS.
LVSVS. HOSCE. ACADEMICOS.
ANIMI. VERE. DEVOTI. PIGNVS.
OFFERT.

DAVID. EBERSBACH, SVIDNICENS.



I. N. J.

§. I.

DE *Miraculo* Piscinae in domo Bethesdae iudicium laturis quid sit *miraculum* proprio et magis restricto sensu perspectum esse ante omnia debet atque exploratum. Non enim res quacvis, siue rarius siue nunquam visa, siue confuse et imperfecte cognita, siue causas habens minus exploratas, eoque mentem attonitam stupore implens atque suspendens, *Miraculum* statim adpellabitur nobis. Certe enim innumera sunt naturae atque artis opera, quae, si istis conditionibus aestimandum veniret *Miraculum*, in hunc censum referenda essent, periretque omnis miraculi usus, omnis distinctio. *Miraculum* itaque res sit oportet ordinarias naturae leges atque vires plane superans, cuius causam proinde aliam nullam quam diuinam virtutem, vel immediate operantem, vel ministeriali causae conlatam atque creditam reddere liceat. Per ordinarias autem naturae leges, quas superare miraculum diximus, nihil aliud, ut rem simplicissime exponamus, intelligitur, quam corporum animorumque, quibus omne naturae regnum finitur absoluiturque, potentiae, quae quidem ab essentiis eorum attributisque essentialibus pendent, viresque quibus valent ad certos motus atque operationes producendas. Quas quae excesserit res maius quidem aliquid est et amplius, quam quod natura praestare possit, viresque adeo requirit atque potentiam, ea quae in secundis causis est, ampliorem:

cum quantum est in effectu realis et verae perfectionis, tantum in causa virtutis atque operandi potentiae sit admittendum, nisi ex nihilo aliquid prouenire posse velimus admittere : at contrarios tamen siue effectus illos, siue virtutem ampliorem a qua illi deriuantur, esse, atque aduersos potentiis corporum animorumque essentialibus, h. e. *naturae*, nihil necesse est; imo nunquam esse censendi sunt. Hoc enim si eueniret, *Miraculum* nihil aliud esset futurum, quam contradictio in adiecto, quam vocant in scholis: esset hoc positio $\tau\delta$ esse simul et non esse, esset facere obiectum omnipotentiae diuinae rem impossibilem. Quod vt est rationi, sibi ipsi et euidentibus principiis attendenti, perspicuum oppido, ita mirum tamen est multos in eam devenire opinionem potuisse, ea demum vera esse *Miracula*, in quibus repugnantia omnia esse videantur, ita vt mentem ea considerantem nihil aliud quam merus occupet stupor: Imo et aegre patiantur a nonnullis ita *Miracula* explicari, vt percipere mens possit, non esse in iis quae ratio inuicem repugnare deprehendat, quasi miraculi aliquid decedat excellentiae, si possibile illud virtuti infinitae esse mens deprehendat. Alia mens *Augustini* fuit, *nihil contra naturam Deum facere* statuentis *sed potius omnia ita disponere, vt ad eiusdem conservationem sapientissime sint apta*. Hocque ipsum spectasse puto doctissimum Brittannorum Medicum Bernhardum *Connor*, qui in *Euangelio* quod appellauit *Medici Miraculorum* expositurus naturam, eam ipsam formam rationemque, quae miraculum constituit, non in essentia rei, sed attributo quodam et affectione quaerit, quae extra essentiam rei sit posita. Nempe cum motum nulli corpori essentialem esse plerisque visum Philosophis fuerit, qui leges motus, in hac rerum vniuersitate obtinentes, a liberrimo creatoris arbitrio pendere existimauerunt; ex legum motus ordinariarum suspensione, quae saluis rerum naturis, nihilque contrarii et aduersi patientibus, fieri possit, omnem *Miraculorum* rationem deduxit.

a. *Fahst.*
Manich.
 s. 26.

§. II. Vt vero *Miraculum* impossibilia continere, nemo recte vsus ratione dixerit: Ita vicissim nihil aliud in illo esse quam id quod causis secundis possibile sit, et ex naturalibus earum potentiis deriuari queat, cum *Nebemia Grevio* non ausim affirmare. Ille nimirum nihil aliud *Miraculum* esse statuit quam *insolitum atque rariorem potentiae cuiusdam naturalis, verum incognitae, effectum, diuina autoritate, circumstantiis quibusdam limitatum, atque fini cuidam conuenienti subordinatum.* Quae eius definitio vt rectius intelligatur, exemplo statim, ab ipso inter alia multa allato, accommodare non absre fuerit. Sic viam itaque per rubrum mare stratam Israelitis *Miraculo* fuisse agnoscit. Maris tamen diuisionem aquarumque cumulo assurgentium muros *naturalis causae* effectum fuisse existimat. Eorum nempe vehementius spirantem, qui mare medium fulcans et diuiserit aquas, et vt murorum ad instar, gelu obrigescentes, vtrinque consisterent, effecerit. Eiusque rei argumentum Vir cl. ipsum Mo-
 sis Canticum sibi suppeditare arbitratur, vbi illa inter alia leguntur *Exod. c. XV, 8. 10.*
 נִשְׁפָּת בְּרוּחַ כְּסֶמֶר יָם בְּרוּחַ אֲפִיק נֶעְרַמְ-מִי
 quae ipse quidem de vento accipit: imo et ex eo suae sententiae speciem quaerit, quod Aegyptii eodem itinere sequi Israelitas ausi fuerint, non ausuri, si firmum iter glaciem sibi praestituram non existimauiissent: quae tamen calidioris indolis fauonio liquefacta illis fuerit pereundum. En igitur causam tantae rei *naturalem* ventos, vere tamen *miraculum* habentes, quod *exacte* adeo temporis *circumstantia* fuerint restricti atque *limitati*, ut tum quidem, cum Israelitae essent seruandi ab ortu, ab occasu vero, cum orco transmittendi Aegyptii essent spirauerint. Imo et eo miraculi tuentes dignitatem, quod *rarum* adeo atque *insolitum* istorum ventorum extiterit phaenomenon, vt nunquam simile aliquod vel in isto mari vel in aliis quibuscunque fuerit obseruatum.

§. III. Equidem commoda videri poterat ista miracula

explicandi ratio, qua occurratur *Benedicti Spinosae* doctrinae, qui miracula rem obscuram putabat, eosque qui religionem miraculorum fide confirmant, rem obscuram per aliam magis obscuram explicare existimabat, ut loquitur in *epist. XXXIII. ad Henr. Oldenburgium*. Imo et in *tr. Theologico-Politico* innuit, eos qui *Miracula* vires naturae excedere docent, nunquam euincere posse esse aliquod opus *Miraculum*, cum vires naturae adaequate cognitae non habeant atque perspectae. Huic inquam difficultati medelam afferre primo intuitu videri possit cl. Greuii sententia, quae dum naturalibus causis *Miraculum* fieri posse concedit, labore nos subleuat demonstrandi, hoc ipsum quod *miraculum* est, viribus naturae ordinariis, nobis non usquequaque cognitis, esse majus, et aliunde formam atque rationem miraculi designat, ex eius scilicet raritate insigni, & specialissima per certas circumstantias & ad certum finem determinatione. Attamen et medicina ista nec certa satis esse videtur, et rationes quoque obstant haut paucae, cur faciles adeo nos haut praebeamus *Spinosae*, qui hoc ipsum sibi cum maxime concedi postulat, *miraculum* nihil aliud esse *quam opus naturae insolitum, cuius causa vulgo ignoretur*. Non tutam satis medelam illam puto, certe enim non minus dubii haerebimus semper, an pro vero *miraculo* opus aliquod habendum sit ista, quam alia quacunque admissa hypothese. Cum enim euenire possit, ut vel casu vel impostoris industria, cui explorata sit causa operis naturae insoliti, illud certis circumstantiis finique certo accommodetur, dubiis haerendum erit semper, an fidem praebere an suspendere praestet ubi res miraculi auctoritatem ambiens fuerit oblata. Vice factum est plus simplici ut Eclipsin totalem, rem, quae rarissima, illis saltem quibus historiam naturae perdiscere haut licuit, non videri non potest, finibus suis & circumstantiis temporum accommodauerint Viri πολιτικοί, causarum phaenomeni huius rarioris periti. Quid autem faciemus tali eclipsi quam adducendam praedixerit

Hispa-

Hispanus vel Belga catus, eiusque tenebris Indum in summa meridie territum, a seditionis vel alterius facinoris cuiusvis moliminibus auertit? an *miraculum* dicemus, eo quod apte ad certum finem, certisque circumstantiis limitatum determinatumque videamus, licet naturae viribus rem ipsam deberi cognoscamus? at sic peribit omnis *miraculorum* vis. an negabimus *miraculum* esse? at sic de ceteris quoque, quae *Greuius* agnoscit, *miraculis* semper dubitandum. Cum enim ipse sibi plerorumque, vel saltem haut paucorum naturales causas cognoscere videatur, nec impossibile sit easdem Viros Dei, per quos patrata fuere, cognouisse: euentus vero naturalis, cuius causa determinate cognita est antea etiam possit praesciri, non video quid super sit quo conuincamur *miraculum* aliquid esse. Hoc forte inquiet *Greuius*, quod *diuinitus* determinatum sit ad certum finem, circumstantiisque certis, quod in Eclipseos a nobis suppeditato exemplo minime valeat. At contra excipiet incredulus, id vero ipsum in quaestione esse vnde sit illa determinatio, per hoc ipsum opus, vires naturae ordinarias excedens, eiusque intrinsecam rationem decidenda: destituereque adeo nos demum rationem, si dicamus *miraculum* inservire conuincendis hominibus, quod a Deo ordinatus et missus sit ille a quo patratur: *Miraculum* vero pro tali agnosci ex diuina operis naturae determinatione et limitatione ad certum finem certasque circumstantias, quae obscura tamen nobis sit neque ex euentibus principis explorata.

§. IV. Sed & rationes fortissimas obstare puto, quo minus illam *miraculi* definitionem, quod sit opus naturae insolitum cuius causa vulgo ignoretur, etc. admittamus, licet vel maxime scrupulo paulo ante moto satisfaceret penitus, cui non satisfacere ostensum, alia ratione satisfieri posse paulo post ostendetur. Hoc tantum vrgebo, quod iam olim isti definitionis *Greuianae* parti, quae *Spinosa*e perplacuerat, opposuit Henr. Oldenburgius:

Ep. 22.

Lazari a mortuis suscitationem, et Jesu Christi a mortuis resurrectionem omnem naturae creatae vim superare, et soli potentiae divinae competere videri. Sane enim licet inuentus fuerit Montispeliensis Medici larua indutus Judaeus *La Porta*, qui A. 1608. in solenni Panegyri recitata oratione probare conatus fuerit: nihil quod naturae vires superet in Lazari fuisse resurrectione, quatruiduo nondum absoluto facta, tum quidem miraculo non caritura, si post quartum diem contigisset, similia haut dubie oblique de Christi resurrectione insinuans; ridiculae tamen adeo sunt rationes eius, ex nescio quibus numerorum mysteriis et Septenarii refractione petita, vt commiseratione potius et medicina, homo ad Corcyras et cerebrum helleboro purgandum ablegandus, opus habeat, quam seria confutatione. Nec melioris notae fuisse puto Itali Medici *de resurrectione mortuorum naturali* librum, quem visum sibi Gabriel Naudaeus testatur. Magis

Naudaeus.

p. 33.

De incantat.

c. 6. p. 87 sq.

Pomponatius: *Quaquam aliqua, quae referuntur esse facta tam in Historia Legis Moysi quam Legis Christi, superficialiter reduci possunt in causam naturalem, tamen multa sunt quae minime in talem causam reduci possunt: veluti est de resurrectione Lazari quatruiduani, etiam foetentis: de coeco a natiuitate illuminato: de saturatione tot mille hominum ex quinque panibus et duobus piscibus: de clauda a natiuitate restituto per Petrum et Ioannem: de scaturigine fontis ex solo verbo: et sic fere de infinitis aliis, quorum nullum potest reduci in causam naturalem, neque immediate fuisse factum per aliquam rem creatam.* Et ipse certe *Spinosus* in epistola qua respondit *Oldenburgio*, desperans illa commode ex naturae viribus posse explicari, *Oldenburgii* quaestioni, quomodo mortui suscitati naturae viribus potuerint, quaestionem opponit *an nos homunciones inquit tantam naturae cognitionem habemus, vt determinare possimus quousque eius vis et potentia se extendit, et quid eius vim superat? quod pergit quia nemo sine arrogantia praesu-*

praesu-

praesumere potest, licet ergo absque iactantia miracula per causas naturales quantum fieri potest explicare, & quae explicare non possumus nec etiam demonstrare quod absurda sint, satius est iudicium de iis suspendere. Si vero sunt quae explicari per causas naturales non possint, si sint de quibus iudicium sit suspendendum, quam indignum philosopho vniuersale pronunciare effatum, omnia *miracula* esse naturae opera? Cetera enim nugamenta *Spinosae* ad Christi imprimis resurrectionem spectantia, quam spiritualementem dicit fuisse, eum hoc modo suis aiens apparuisse, quo tres viri Abrahamo in luco Mambre apparuerunt, nunc praetereo: ut quae ipsa sacra historia manifeste explodantur, idque vnice probent, *Spinosam*, isto miraculo ad desperationem adductum, hypotheseos tuendae causa, quicquid confingere, vtcunque inepte maluisse, quam vmbraem semel a se apprehensam adamatamque dimittere.

§. V. Cum autem hoc, quod *Spinosae* existimat, nos qui vires naturae penitus perspectas non habeamus, non posse negare miracula eius esse effecta, eo praeterea tendat, ut nos ex hypothese nostra de *miraculo* iudicium non ferre posse ostendatur, nobis que adeo de *Piscinae Bethesdae miraculo* differendi potestatem eripiat, ea de re tribus verbis adhuc dispiciemus. Nempe largimur *Spinosae* manu, quod dicitur, vtraque, omnes naturae, machinae tam vastae, tam stupendae, vires et potentias nos quidem exploratas minime habere. Attamen ex inde quod aliquis, quae possit aliqua res, omnia non cognoscat, eum cognoscere quaedam quae non possit non valere, minime sequitur. Non nouimus omnes animae nostrae vires et potentias, eam tamen operatione sua pluribus rebus simul esse praesentem haut posse minime ignoramus, nec ignoramus eam motus corporis merè mechanicos dirigere minime valere. Cur itaque idem in tota natura non obtineat, quod in naturae compendio homine? Jam porro si aliquod opus effectumque aliquem talem esse constiterit,

vt nunquam vel ipsum vel eius producendi potentia in rerum natura comparuerit, concludere nos certo posse existimo vires naturae illud superare, maxime si aduersum etiam sit motibus causarum naturalium in agendo constitutarum, tale phaenomenon. Ratio atque euidentia huius principii in eo est, quod naturae potentiae sint mechanicae, atque ad agendum certo modo determinatae: vnde omnes earum operationes sunt vniformes, vt posita tali causarum coniunctione necessario sequatur talis effectus. Qui si singularis sit et cui similis nunquam appareat alias, consequens inde est, eum ex operatione naturae vniformi eiusque adeo potentiis non processisse, vt ad aliam causam supernaturalem confugere, talemque effectum pro *miraculo* habere necesse sit. Jam vero experientia nos docet omnino, an talis sit effectus de quo quaestio nobis est, cuius auditis consiliis facile deinceps ratio ex ceteris indicatis principiis iudicium ferre potest. Quod si motus praeterea obseruentur, ordinariis et constantibus legibus corporum motorum plane aduersi, res hoc magis erit in vado. Sic Josuae *miraculum*, cuius nutu *Sol* gradum sistebat, facile auctoritatem suam tuebitur. Nunquam simile quid factum vlla historiarum fide constat, non est ergo ista mora eius ex vniformis operationis siue solis siue vicinorum ei corporum lege, faces fatque Spinosae refractione in glaciali aere, qualis consueto cursu pergente sole per totam diem continuari non potest: Nec proinde ex potentia eius est naturali, adeoque naturam excedit atque *miraculum* est. Et si vel maxime corpus oppositum fuisse soli, quod faciunt nonnulli,ingas, quod eius retardauerit motum, illud tamen vel antea extitisse dices vel minus. Si non extitit, ergo *miraculo* quodam ortum fuerit, *miraculo* rursus, peracto officio, disilierit necesse est. Si extitit, ipsum quoque determinatis suis gauisum est motibus et potentiis, gaudetque: quarum legibus solutis si tum quidem motum fuerit, *miraculum* habebis rursus, hoc est opus naturae vires potentiasque et leges super-

supergressum. Nec dubito istum rationis processum in *miraculis* diiudicandis esse genuinum, quem Phariseis commendabat bonus ille vir, qui corporis oculis restitutis animo quoque videbat clarius: ἐκ τῆς αἰῶνος inquit ἔκ ἡμέρας ὅτι ἤνοιξε τις ὀφθαλμούς τοῦ Φ- *Joan. IX, 32*
 λῆ γεγενημένον, εἰ μὴ ἔτος ἦν παρὰ Θεοῦ, ἐκ ἡδύνατο ποιεῖν ἑδέν.
 Imo et ipse Saluator ad opera prouocat αὐτὸς ἑδὲς ἄλλος πεποίηκε. *Joan. XV, 24*

§. VI. Ex istis vero patet naturalis iudicandi facultatis et rationis esse de *miraculis* iudicium: vt mirum nemini videri debeat, quod *domus Bethesdae* miraculum Philosophus expendere audeat. Certe naturae leges atque potentias cognoscere Philosophi est, eiusque cognitionis subsidia, obseruatio nempe, experientia sensuum atque rationis fulta, omnibus patent, qua homines sunt, sensuque vtuntur et ratione. Vt Theologo adeo, si quid hic praestare cupiat, subsidiaria Philosophiae opera sit imploranda. Quod verum adeo est, vt omnis miraculorum vsus et finis sit abnegandus aliam sententiam amplexuro, ipsaque sapientia potentiaque diuina irriti accusanda conatus. Nonne enim fidem antecedunt viamque ei sternunt miracula? imo infidelium causa vt ad fidem adducantur data ab omnibus agnoscuntur? quam in rem insignem locum in Apostolorum habemus Constitutionibus. Ipseque id firmat Saluator, qui infideles & nondum conuersos ἐωρεκένας *vidisse & intellexisse Mi-* *c. VIII, 1.*
racula sua, idque ipsum peccatum indurationis ipsorum aggrauare testatur. *Joan. XV. fin*

§. VII. Vt vero est ratio in hocce, in quo nunc degimus, imperfectionis statu ad errorem procliuis, ita facile euenit, vt admiratione rerum ignotarum attoniti, atque δεισιδαιμονέσσειν, *miracula* credamus, quae talia non sunt, quod omni profanarum religionum superstitioni addidit fulcrum. Certe enim nulla fuit tam ab omni ratione aliena Deum colendi ratio, quae hic sibi praesidium non quaereret atque firmamentum, sacrificulis lucro atque honoribus inhiantibus id agentibus strenue, vt simplicem

L. I. Bibl.
p. 48.

plebeculam, τερατείαις suis deceptam, captiuam quasi detine-
rent. Imo et viri πολιτικοί, vt maior esset legum decretorum-
que suorum stabiliorque autoritas, ad *miracula* tanquam sacram
anchoram confugerunt, nullusque fere antiquissimorum legis-
latorum fuit, qui *miracula* magisque familiaria cum Diis com-
mercium non iactauerit; quod innumeris exemplis constat, diligen-
ter collectis a Diodoro Sic. et doctissimo Patrum, *Theodorito*, in
Therapeutico Serm. IX Quin et boni quidam Viri raritate et ma-
gnitudine phaenomenorum quorundam, ignorantia causarum, et
quod casu quandoque certos euentus cum certis quibusdam phae-
nomenis coniunctos obseruassent, phantasia praeterea, quam pau-
lo magis infirmam nacti fuere, omniaque percepta immane
quantum augentem, exterriti, pro *miraculis* haut raro habent, et
diuini aliquid inesse credunt rebus, in quibus solae potentias suas
iuxta leges limitesque sibi praescriptos exercent naturales cau-
sae. Indeque factum est vt Eclipses, cometae, nubium variae
figurae aliaeque in coelo φαινόμενα, alitum pugnae, mutatus in
aquis color, et cetera eius generis innumera, monstri aliquid ale-
re passim credita fuerint, et in argumenta iudiciorum diuino-
rum a quibusdam conuersa: a quibus periculum est ne magis
noceatur religioni quam inferuiatur. Illis vero vt obex ponen-
dus erat nimiae credulitati, firmiter inhaerendo vtilissimae di-
stinctioni *miraculorum* et *euentuum rariorum* atque *singulare*
aliquid habentium: regulaeque maxime necessariae, *nihil pro*
miraculo habendum esse, quod vires et potentias causarum natura-
lium, debite nobis exploratas, liquidissime non excedat; ita inpri-
mis quoque erat cauendum, ne praecipiti nimis iudicio male de
illis sentirent, quos de quibusdam quae *miracula* credunt ipsi, ali-
ter sentireprehenderint. Equidem eorum plane eandem
rationem esse non dixerim ego, nec intercedam quo minus con-
tra detestabilem quorundam curiositatem vel petulantiam po-
tius, et profanam omne id quod reuelatae religioni inferuit euer-
tendi

tendi libidinem seuerissima dicatur sententia. At tales profecto omnes non puto, qui quaecunque in vulgus iactantur *miracula*, vel accipere sine examine recusant, vel examine adhibito reiiciunt, eorumque causas palam ostendere satagunt. Sint *Vannini* et *Spinosa* manifesta impietate omnem verorum miraculorum fidem eleuantes: sint *Pomponatii*, *Cardani* et *Caesalpini*, non immerito suspecti, quod paulo longius saltem, ingenii forsan ostentandi et rerum naturalium peritiae magis, quam religionis destruendae, studio processerint. At alii sunt qui bona fide, et optimo animo hoc stadium ingrediuntur, qui si in quibusdam forte aberrauerint, humanae infirmitati id condonandum potius; quam vt turpibus propterea nominibus sint proscribendi. Optimum itaque fuerit habere ad manum certas quasdam notas et characteres, ex quibus quo animo, quo item Religionis reuelatae, cui stabiliendae *miracula* inferuire debent, vel damno vel emolumento, ad causas naturales reuocentur a quibusdam *miracula*, iudicare liceat. Quae vt aliquo modo, et qua licet mortalibus, qui *καρδιονόμοι* non sint, assequamur, *primo* quidem diligenter obseruandum putem esse discrimen, inter ea quae antiquitus, cum stabilienda primum esset vel inter Iudaeos vel Christianos Religio, patrata fuere, ab iis quae hodie passim a quibusdam iactantur. Cum enim *miracula* confirmandae reuelationi potissimum destinata esse, ipsa ratio suadeat; reuelationem autem rerum ad fidem pertinentium nullam expectandam nobis amplius esse, ipsa Theologia *miraculis* confirmata prodat; Ratio inde conclusionem deducit, non adeo magnam noxam expectandam ab eo esse, qui modernis huiusmodi *miraculis* vel difficilius assensum praebeat, vel plane ea in dubium vocet atque neget. Nec hoc tantum affirmauerim, verum id insuper etiam, minus ab illis esse metuentum religioni, qui paulo difficiliore sint in eiusmodi admittendis *miraculis*, quam ab illis quorum nimia extiterit credulitas;

quos scilicet facilius sit a recto tramite versutia hominum abduci, quam eos qui certa verbi regula vnice nituntur: nescioque an non virtuti eius diffidere videantur, qui alia hodie terrendorum conuertendorumque hominum media quaerunt. Imo quomodo imposturis quorundam, *miracula* identidem noua, pessimo fine, excogitantium, obex poni queat, non video, si ista ingeniorum in huiusmodi rebus inuestigandis solertia suffocetur atque extinguatur. Quantum ad ea vero quae olim patrata esse diuina humanaque docent atque euincunt monimenta, eorum quoque nonnullum mihi discrimen obseruandum videtur. Certe enim quaedam isto praecise fine ostensa fuerunt, vt confirmarent diuinam Doctoris alicuius missionem, doctrinaeque eius veritatem, quibusque adeo destructis ipsa veritas in dubium vocatur, cui diuinam virtutem per ea testimonium perhibere creditum. Alia vero est aliorum quorundam ratio. Ita profecto illius generis sunt, quae in Legis promulgatione patrata fuerunt, optimique in primis Saluatoris resurrectio, vt alia innumera taceamus, quae qui abnegauerit non nisi pessime de religione poterit censere. At quaedam non eo praecise fine patrata sunt, sed aliis emolumentis parandis, in quibus qui prouidentiam Dei specialem admiserit in dirigendis causarum secundarum potentiis, licet vim naturae potentias supergressam non agnoscat, profanus certe nullo suo merito videbitur, licet curiosior forte quam par sit quandoque, et castigatione proinde dignus, iure videri possit. Sic nolim turpi profani impiique titulo proscribere eum, qui coturnices, quibus pasti aliquamdiu Israelitae fuerunt, quae aduexerint causas naturales, ventos v.g. ex Aegypto, vbi prodigiosa earum copia, eas adducentes, inquirat, licet constans, qua aduolasse eas constat, lex extraordinarium quid hic quoque admittere suadeat. Multo minus si ipsae scripturae quaedam suppeditant, quae vel totum phaenomenon vel aliquas eius circumstantias aliter accipi suadeat, arripi ea in vitio poni potest, non magis certe quam alias interpretari.

pretandi vti libertate. Sic maxillam asini qua Simson vsus fuit, cum cladem mille Palaestinis inferret, si genus armorum quis esse dixerit, puteumque non ex ipsa ea, quaecunque illa fuerit, re, sed ex loco qui ab ea acceperat nomen, scaturiisse agnoscat, ille cur merito nobis profani animi suspectus esse debeat, sane ego non video. Postremo, vt finem faciam, non vltima illa mihi nota videtur atque discrimen eius, qui bona fide de *miraculis*, quae vulgo pro talibus habeantur, dubitet, ab illo qui proterua id faciat malitia, odioque religionis; quod ille quidem vbi luculenta virium naturalium vestigia se non prodant, facile manus det, digitumque diuinum agnoscat; ille quaecunque absurda et ab omni ratione aliena comminisci malit, quam vt *miraculum* admittat, auersum hoc ipso animum a religione, omnibusque iis quae stabilire eam possint aperte prodens. Vt quod de Atheo vniuersim dicere memini Virum ingenio et eruditione non incelebrem, *nihil tam absurdum esse quod credere non malit, quam agnoscere Deum*, id optimo iure ad huiusmodi *miraculorum* trahere etiam liceat cauillatores. Quis credat hominem dum sapere cum maxime cupitaliorumque credulitatem suspensio nasu ridet, eo stolidissimae credulitatis posse prolabi, vt credat Religionem in sui ortu miracula ostentare ideo, quia in longissimis temporum intervallis potentissimae intercedunt Planetarum coniunctiones, quo tempore nouam religionem institui ac cessare veterem clarissima Astronomis constare possit ratione. Nempe quia ex magnis siderum coniunctionibus inferiora haec, summam cum nanciscantur potestatem, admiranda opera proferant, insuper hominum voluntates tum immutari. Phantasiam qua intellectus voluntatis consiliarius vtitur coclo subiici. Virumque adeo sapientem, sacros aeterni nominis honores appetentem, cum haec futura praeuidet, prophetam a Deo se missum praedicare, quaeque necessario coelestium corporum vi miracula fiunt, confictae sui ipsius omnipotentiae adscribere, atque ita delusam plebeculam eum admirari: quae, per-

absurda est Caesaris Vannini Philosophia in Dialogo LII. tot contradictionibus laborans, adeo phaenomenis circa religionum obseruatis ortum, indolique inprimis primorum eius autorum aduersa, vt ea explodere pluribus otio suo sit abuti.

§. VIII. Has notas atque characteres hominum profana impietate quicquid est miraculorum eludere atque euertere conantium, quisquis examinauerit, et cum ea contenderit indole quam diximus esse eorum, qui bona fide de nonnullis, quae vulgo creduntur, *miraculis* dubitant; facile puto animaduertet, nos *miraculum piscinae Bethesdae* defensuros, non id agere, vt bonorum virorum qui aliter senserunt nomini labem adspargamus, manesque eorum, quos veneramur, beneque iis precamur, sollicitemus; quos non profano certe illi hominum generi annumerare, sed in posteriore classe censere iubent characteres allegati. Magna nempe producimus nomina. Ex Anglicanae Ecclesiae doctoribus *H. Hammondum*, virum ita ab omni alienum profana impietate, vt vita et scriptis primas inter Ecclesiarum illarum doctores, qui sanctitatis studia coluerint, hodienum mereatur. Cuius rei si aliud argumentum non esset, aureus certe liber quo *omnia Hominis Christiani officia* complexus est, et quem plerique argumentis non contemnendis illi tribuunt, affatim loqueretur. Alter ex nostris est, Vir summus *Thomas Bartholinus*, cuius tantum abest, vt suspecta nobis bona fides esse possit, vt merito de egregio naturae mysta, qui haut parum lucis supernaturalibus quoque Dei operibus eruditissimis scriptis attulit, Ecclesiis nostris gratulemur.

§. IX. Res nempe de qua quaeritur ista est: Erat Hierosolymis, Iudaeorum Regia, apud ouariam piscinam, domus, quam *Bethesda* Hebraice appellabant, quinque porticibus instructa, in his ingens aegrotantium iacebat multitudo, coecorum, claudorum, tabidorum, ex piscina illa salutem expectantium. Nempe Angelus certo tempore in piscinam descendebat, aquamque turbabat:

turbabat: postquam aquae turbationem qui primus in piscinam descenderet, sanus statim euadebat, nihil eo, qui post primum morbi depellendi causa aquis illis sese immitteret, proficiente. Haec an naturalium causarum debeantur potentiis, an *miraculi* aliquid viresque naturae ordinarias supergressum admitti hic debeat, mihi cum paulo ante laudatis viris doctis nunc disputandum.

§. X. In eo utrique conuenit, non opus esse ut ad supernaturales causas hic confugiamus, diuersas tamen inuere vias ad naturales rimandas, quibus hoc phaenomenon adscribi possit, potentias. *Henricus Hammondus* nempe obseruat rarum haut esse, ut *aegri* certo morborum genere curentur immisssi ventri bestiae recens euisceratae, vel inuoluti cute ouis adhuc calente, vel adplicatione membri viui cuiuspiam animalis. Huiusmodi itaque, inquit, vim haec piscina adipisci poterat ex visceribus victimarum, quae quotidie in ea lauabantur, praesertim festorum tempore, quo multa victimarum millia vno die interficiebantur. Tot vero victimae, ait, aquam tingere eamque virtutem in eam effundere potuerunt, praesertim dum aqua caleret ex ablutione victimarum, et ab hominibus in eam descendentibus turbaretur. Cui sententiae ut auctoritatem conciliaret, nouitatisque abstergeret speciem, qua minus quibusdam decora poterat videri, non ad *Theophylacti* tantum identidem prouocat auctoritatem, sed et ad opinionem receptam ex qua eam *Theophylactus* referat. Qua de re, antequam ab *Hammondo* ad *Bartholinum* transeamus, operae pretium ducimus ipsum audire *Theophylactum*. Sic itaque ille de hoc ipso *piscinae Bethesdae phaenomeno* loquitur: εἶχον δὲ πολλοὶ ὑπόληψιν, ὅτι καὶ ἀπὸ μόνων τῶν πλύνεσθαι τὰ ἐντόσθια τῶν ἱερέων, δύναμιν τινα λαμβάνει θειοτέραν τὸ ὕδωρ. quae sunt ipsissima verba quibus sibi suffragari *Theophylactus* putauit *Hammondus*: Ea autem ad verbum ita vertas: *multi autem in ea fuere opinione, quod a solis intestinis sacrificio-*
rum

rum ablutis vim quandam aqua acceperit magis diuinam. quibus certe verbistantum abest vt *Hammondo*, mere naturalem virtutem hic agnoscenti, suffragetur *Theophylactus*, vt diserte vim appellet magis diuinam δύναμιν Θεοτέραν, quae scilicet aquae diuinitus communicata sit eo, quod sacrificia, res diuina et sancta, in ea abluerentur, non naturali quadam viscerum virtute atque potentia. Et ne dubium superesse possit ipse in sequentibus ita explicat mentem suam *Theophylactus*, διὸ καὶ ἄγγελον ἐπιφοιτᾶν τέτρω τῷ ὕδατι ὡς ἐκλεκτῷ καὶ θαυματουργεῖν h. e. propterea Angelum quoque ad aquam hancce tanquam ad electam accedere, MIRACULVMque operari. Ergo hic θαυματουργία miraculi patratio, et quae Angelo quidem tanquam causae supernaturali debeatur, qui huic praecise aquae hanc vim indiderit, quod esset ἐκλεκτὸς electa h. e. sacrificiorum intestinis quasi sanctificata. Sed et porro addit τὸ τῆς κολυμβήθρας ταύτης θαῦμα προοικονομῆσαι τὸν Θεὸν &c. h. e. piscinae huius MIRACVLVM praedordinasse Deum vt ad baptismi diuinaeque illius virtutis fidem praepararet Iudaeos, qui ex eo, quod omnipotentia diuina aquis admirandam huiusmodi in sanandis corporibus virtutem posset conferre, debuerint colligere, impossibile ei non esse, similem ad animos purgandos sanandosque efficaciam aquis inderé. Quae ex *Chrysostomo* expressa argumentatio profecto nulla plane esset, et ab omni ratione aliena si *Theophylactus* supernaturalem aliquam in *Colymbethra* Bethesdae vim non agnouisset. Postremo diserte addit: ἄγγελος κατὰ καιρὸν διαβαίνων διετάρχευσε τὸ ὕδωρ, καὶ ἰαματικὴν ἐνετίθει τέτρω δύναιμιν. ὃ γὰρ δήπερ ἡ τῆς ΤΔΑΤΟΣ ΦΥΣΙΣ αὐτὴ κατ' αὐτὴν ἰᾶτο, ἀλλ' ἐπὶ τῇ τῆς ἀγγέλου ἐνεργείᾳ τὸ πᾶν ἔκειτο h. e. Angelus certo tempore descendens aquam turbauit et medicam virtutem ei indidit, non enim AQUAE NATURA ipsa per se sanabat, sed ab Angeli virtute id omne pendebat. Vt sole clarius esse existimemus meridiano, nihil commune esse cum *Theophylacti* sententia *Hammondo*: id quod oculatissimi *Hammondi* Censoris, Jo. Clerici, effugisse aciem non immerito mireris.

§. XI. Paulo aliter quam, *Theophylacti* vestigiis sese inhaerere existimans, *Hammondus* rem explicauit *Tb. Bartholinus* noſter, aquas enim illas medicatas fuiſſe putat, quae in *piscina probatica* ebulliuerint, quibus vis diuinitus immiſſa fuerit per naturam: quales thermæ, acidulae aliaeque eius generis, de quibus multa in *Commentario de Paralyticis Noui Testamenti Medico et Philologico* erudite collegit, praesentique instituto accommodare conatus fuit. Singulas vero *Historiae Piscinae Bethesdae* circumſtantias diligenter opinioni ſuae vterque virorum doctiſſimorum adaptare allaborat, quod an ſatis commode, et absque vi textui Ioanneo inferenda fieri poſſit, nunc porro diſpiciendum.

§. XII. Primo LOCVS obſeruandus: quem Sacer Scriptor iſtis verbis deſcribit: ἔστι δὲ ἐν τοῖς ἱεροσολύμοις ἐπὶ τῇ προβατικῇ κολυμβήθρᾳ ἡ ἐπιλεγομένη Βηθεσδα πέντε σοαὶ ἔχουσα. Vbi nolo cum Criticis prolixius diſceptare, an προβατικῇ porta intelligatur an locus? an cum κολυμβήθρᾳ in dativo caſu poſita conſtruum ſit potius? quae origines ſint vocis Βηθεσδα? quales quinque σοαὶ? et quae alia ſunt de quibus hic curioſius ſolent diſquirere. Illa enim ſcopo noſtro parum conducunt, atque adeo ſine taedio hoc loco vix repeti poſſunt. Paucis: ille mihi verborum iſtorum ſenſus videtur conuenientiſſimus: quod fuerit *Hierosolymis ad piscinam Probaticam illa quae Bethesda dicitur domus, habens quinque aegrotorum receptacula*. Sane enim niſi προβατικῇ et κολυμβήθρᾳ in dativo caſu coniungas, βηθεσδα nomen tribui κολυμβήθρᾳ erit intelligendum, abſonum autem aquas בית suae domum vocari: ad eandem σοαὶ pertinere erunt cenſendae, quae ad domum rectius quam lacum referuntur: de ceteris vulgo interpretes affatim dixiſſe putamus. De hoc diſpiciendum in qua vr- bis regione piscina iſta ſita fuerit. Videtur *Hammondus* in ipſo templi ambitu eam quaerere, eo- que ſpectare ipſi videtur locus *Beniaminis et Brocardi* ei allegatus, quo nempe opportuna magis ſit abluendis animalium, quae Deo offerebantur, viſceribus. At ſane nullus probati Scriptoris, quales certe *Beniamin et Brocardus*

Vol. I. Oper.
p. 625.
Epist. II. p. 81.

us minime existunt, occurrit locus, quo vel *piscinam* huiuscemodi in templo extitisse, vel sacrificiorum intestina alibi quam in destinatis huic rei conclauibus abluta fuisse dicantur: celebraturque inter templi Conclauia illud quod *lauantium* appellatur, Maie-monidae aliisque Iudaeorum Magistris commemoratum, quod hisce vsibus inferuuisse constet: qua de re conferri potest Light-footus, alique qui templi descriptionem ediderunt, Praeterea Nic. Christ. Radziuius non in templo, sed prope illud hanc piscinam collocauit, vt Brocardum adeo eodem modo accipiendum existimem, per *areamque templi* apud eum intelligendum locum a templo non nimis longe amotum, et qui proinde templo cum omnibus porticibus suis spectato aream praebet. Et sane piscinam illam ad templum non spectare Joannes euincit, qui diserte τόπον κολυμβήθρας opponit τῷ ἱερῷ commate XXII et XXIV capitulis, quo hanc historiam exposuit. Ad locum extra templum situm vero descendisse sacerdotes, extorum purgandorum causa, precaria est suppositio, et Iudaeorum de *conclauis lauationum* traditioni penitus aduersa.

L. 2. c. 5.

fol. 77.

§. XIII. Sed tamen inquires antiqua est illa sententia, viscera animantium Deo offerendorum in *piscina* illa fuisse purgata, Hieronymo quoque et, vt paulo antea vidimus, Theophylacto approbata. Respondeo primo, si illi Patrum opinioni vel maxime verum aliquid subesse concedamus, alio tamen modo rem explicandam esse, eo nempe quem Antonius del Castillo, in Itinerario cui titulum *Deuoti Peregrini* fecit indicauit: *qui se quidem audirisse ait piscinae istius aquas ex templo fuisse derivatas.* Et eo aliquo modo pertinere videbatur locus Tahnudicus ex Joma, quem breuitatis causa latinis tantum verbis repraesentabimus: *Dixit R. Pinehas, nomine R. Hunae Zipporensis, riuulus qui emanauit ē sancto sanctorum principio tenuissimus erat, quasi cornua cicadarum. Attingendo ostium porticus referebat filum staminis, cum peruenisset ad ostium templi referebat filum subteminis, denique circa portam atrii excreuerat in oris vr-*

*ceoli cuiusdam magnitudinem. Deinceps valde augebatur et inualescebat ad portam usque arcis Davidicae, atque porro quasi quidam fluuius exundans erat, inque eo qui passi fuerant gonorrhoeam, menstruatæ ac puerperæ, sese lauabant. Quem tamen locum merito affirmare non audet certo ad Bethesdam pertinere illustr. Wagenseilius. Vt taceam enim situi Bethesdae, quem Sotæ p. 308. quidem vulgo ei tribuunt topographiæ S. autores, minus ista conuenire, nam forte et ille satis certus non est; sane riuulus vel fluuius *κολυμβήθρα* minus apte diceretur. Quod si vero eum modum delatarum ex visceribus animantium in istam *κολυμβήθραν* sordium admittamus, quem B. Chemnitio quoque nostro aliisque placuisse animaduerto, saltem peribit Hammondo circumstantia, quam haut inter postremas, quæ suæ sententiæ fauere possint, adducit, potuisse nempe tot victimas aquam tingere, eamque virtutem in eam effundere, præsertim dum aqua adhuc CALERET ex ablutione victimarum. quomodo caluerit enim tam longe a templo discedens ex sola viscerum ablutione? Quid quod tota ista traditio de Bethesdae aquis, ablutione intestinorum tinctis, incerta sit, Patrumque ingenio potius quam certæ traditioni deberi videatur.*

§. XIV. Nec felicius illi succedit labor in TEMPORE suo instituto accommodando. *Paschale* illud fuisse dicit, quo, effuso tot agnorum *paschalium* sanguine, visceribusque eorum in hac *piscina* purgatis, præter morem inualuerit vis aquæ ex ablutione harum victimarum CALENTIS, ut medicinae illa parandæ idonea euaderet. Et sane *εορτήν* fuisse Judæorum, cum Christus Paralyticum, isti aquarum *Bethesdae* medicinae intentum, sanaret, Ioannes diserte testatur. At primo *festum* illud *Pascha* fuisse nondum certum est satis atque exploratum. Sane enim si receptissima in Ecclesia sententia, ab antiquissimis scriptoribus tradita & a doctissimis recentiorum, quos inter *Dionysius Petanius* primas facile tenet, propugnata, ultra duo nempe Paschata Iesum baptizatum non celebrasse, et in tertio maclatum fuisse ipsum, per-

fistere debeat, non poterit ista, de quo nunc sermo nobis est, ἐοῖσιν
paschalis fuisse: quod nuperrime etiam non contemnendis ar-
 P. II. c. VI. gumentis euincere denuo annisus est *Bernhardus Lamy* in *Ap-*
 §. 2. *paratu Chronologico ad Historiam Euangelicam*, qui *festum*
sortium hic per ἐοῖσιν intelligi in *Commentario ad Harmoniam*
 peringeniose defendit. Sed ut faciles nos illi hac ex parte prae-
 beamus, ne minimum quidem in textu Ioanneo vestigium est,
 illo quo Christus in Paralyticum illum incidit tempore sanatio-
 nem expectatam fuisse. Moram enim homo iste, pariter ac alii
 aegroti, ibi trahebat continuam, donec forte ipsis aliquando
 commota Angelica virtute aqua frui primis liceret. Ut adeo,
 quamuis cetera omnia quae supponit Hammondus ei concedan-
 tur, parum tamen inde ad eum emolumentum videatur rediturum.
 Cyrilli locum adscribere ne pigeat, qui *pentecostes* potius quam
 Paschatos tempore vi diuina commotam *piscinam* ait: *Die Pen-*
tecostes, inquit, *Angeli de coelo descendentes piscinae huius commo-*
uerunt aquam. Cuius motionis sonus adesse ipsos ad sanctifican-
dam aquam significauit.

§. XV. Ad TEMPORIS autem circumstantiam hoc quo-
 que pertinet, quod κατὰ καιρὸν tempore quodam certo Piscina haec
 commota dicatur. Nam quod doctissimo Heinsio videtur et
 H. Hammondo fauere posset, significare nempe κατὰ καιρὸν id
 quod Hebraeis quandoque notatur vocibus לַצֵּמַח הַזֶּה festo hoc,
 a stylo saltem nostrorum scriptorum est alienum, qui ubique
 nostrae interpretationi fauent. Alio autem modo voces istas suo
 instituto Bartholinus accommodat: Nempe *statis curandi flu-*
 P. 77. *endique vices seruasse* dicit *piscinam Bethesdae aliarum aquarum*
medicatarum more, multaque fontium statis temporibus inter-
 mittentium fluentiumue, vel singularem quandam vim exercen-
 tium, exempla diligenter et erudite accumulatur. Quae quidem
 in dubium vocare nefas: attamen conclusio quam inde dedu-
 cit Vir doctissimus satis firma non videtur. Hinc inquit *si κατὰ*
καιρὸν de comodo festorum tempore in aestate celebratorum in-
terpre-

terpretemur, siue de quauis opportunitate collectiue, res pro naturali piscinae virtute erit confecta, calidioribus mensibus, neutiquam frigidioribus commendata. Miraculi si fidem mereretur, quouis tempore sine coeli varietate mortalibus aegris profuisset. Quid igitur? huiusmodi tempus statum, quod causarum naturalium determinatione statum sit atque fixum, phrasi κατὰ καιρὸν negamus intelligi. Certe enim Christus qui κατὰ καιρὸν ἀπέθανε, non mortuus est ob causam quandam naturalem, mortem eius ad tempus illud determinante. Dicique ideo κατὰ καιρὸν fieri potest, omne quod sit certo aliquo tempore, quacunque de causa fiat.

§. XVI. Verum in his quidem praecipuum rei momentum minime positum esse videtur. MODUS quo medicam vim aquae istae nactae esse dicuntur, haut paulo magis nostrae quam doctissimorum Aduersariorum fauet sententiae. Euangelista ait ἄγγελος κατὰ καιρὸν κατέβαινε ἐν τῇ κολυμβήθρᾳ καὶ ἐτάραξε τὸ ὕδωρ, h.e. *angelus tempore certo descendit in piscinam et turbauit aquam.* Vel ut in aliis codicibus legitur ἄγγελος κυρίῳ ἐλθέτο ἐν τῇ κολυμβήθρᾳ καὶ ἐτάραξε τὸ ὕδωρ. *Angelus Domini lauabatur in piscina et turbabat aquam.* quarum lectionum vtra alteri sit conuenientior, non multum ad rem interest excutere, nisi quod verbum καταβαίνειν alias quoque frequentius sit ubi Deus singulare aliquid opus vel ipse praestat, vel ad illud praestandum ex Angelorum exercitu aliquem mittit. MODVM ex istis verbis medicae virtutis aquis illis inditae istum comminiscitur Hammondus: fuisse nempe ministrum vel seruum, qui mittebatur a sacerdotibus tempore opportuno ad turbandam aquam, materiem que ex intestinis ablutis rectius illi commiscendam: cumque esset nuntius praemissus, veluti ad aegros monendos ut se sequerentur, recte illum dici posse ἄγγελον non *angelum natura* sed *nuntium.* At hic quam durum primo, cum Euangelista dicat, *Angelum descendisse et turbasse aquas*, hoc ita interpretari: *angelum* vel *nuntium* turbandas ab alio aquas annunciasse? Deinde si minister

sola turbatione et motu aquae vim istam eius excitauit, quid eius ministerio opus? nonne rectius hisce partibus ipse qui ex aegris primus descendebat defungi potuisset, maxime cum periculum esset, subito diffugiente aquarum istarum virtute, ante eam dilabi quam aeger post ministrum descendere posset? Immo annon rectius vis aquae, quae sensim, ipso Hammondo fatente, dum moram in ea traheret minister, diffugere incipiebat, in plures aegros impendi potuisset? Certe illas difficultates ipse sibi nequit Hammondus, dum scrupulum nobis eximere conatur de pluribus quam vno vice vna non curatis: nam ita ibi inter alia: *Si meminerimus, quam facile crassiores sanguinis victimarum particulae, e fundoeductae, rursus subsidant, et cogitemus ministro aliquod tribuendum fuisse spatium, ut aquam turbaret et adscenderet e piscina, priusquam eo aeger descendere posset, hinc necessario sequetur vna aquae turbatione vnum duntaxat curari posse aegrum.* At si ita sit, certe non superuacanea tantum, verum et noxia illa ministri opera, nec ratio potest ostendi, cur illa in partes vocata fuerit. Denique cum Hammondus turbatis aquis, partibusque sanguinis victimarum eo motu agitatis vim medicam harum aquarum tribuat, subsidentibus vero iis virtutis illius defectum, non video quae causa obstare potuerit, cur non eadem anni tempestate, (supponamus enim cum Hammondo Paschali tempore aquas *Bethesdae* hacce virtute polluisse, idque ex victimarum sordibus in eas effusis,) stagnante per aliquot dies in lacu materia illa ex intestinis victimarum, quae aquas eius saturauerat, iteratis vicibus ea cieri, aquis misceri, & medicam suam vim, si non vna & semel, successiue saltem in pluribus exercere potuerit? Denique si ita locutus fuisset Ioannes de illa re, ut locutus est, nec aliud tamen quam quod Hammondus cupit, significare voluisset, vix certe studio quaesitae obscuritatis careret vitio, ut qui aliis verbis stylo tum quidem recepto uti non potuisset, si *miraculum* Angelica virtute patratum voluisset delineare. Certe verbum *καταβαίω*, ut iam monitum, in peculiaribus Dei Angelorumue manifestationibus receptissimum,

mum, in quibus etiam *motus* vehementioris passim mentio, vt Matth. XXVIII, 2. aliisq; in locis, quibus ipsorum miraculorum patratio quoq; vehementioris *motus* schemate delinearī solet, Deusque *miracula* N. T. quibus Ecclesiam iturus sit stabilitum, per Prophetam praedicens, coelum & terram se commoturum dicit. *Angelus* denique non nominato mittente cuius sit nuntius, nec aliis circumstantiis designatus, naturae ordinarie non officii nomen est, vt nihil ad obscuritatem desit orationi Joannis, si ex *Hammondi* sensu ea fuerit explicanda.

§. XVII. Quae vltimo loco diximus, non minus quam *Hammondum Bartholinum* etiam feriunt. Attamen cum in ceteris MODUM medicae virtutis, hisce aquis conciliatae, aliter ille delineet, peculiari opera eius cogitationes nunc erunt expendendae. *ταράξασα*, itaque h. e. *perturbatas* esse cum ait Evangelista *has aquas*, id ita ille explicat, vt dicat turbari thermales aliasque medicas aquas, siue statis vicibus incrementales, siue subterraneo calore, vel concluso aere vi erumpente commotas ebullientesque, et luti virtutes per omnem aquae superficiem distribuentes. Moueri autem thermales lymphas vel ex se calore et sulphure nitroque vel subterraneo igne efferuescentes, vel a causa externa, aere nempe calido aestatis mensibus, siue a ventis aliisque commoto, quibus interna aquarum vis suscitetur. Quae omnia satis bene se habent, modo & causa motus in textu diserte nominata, et morbi sanati, et ipse modus sanationis ea hic applicare patiantur. Et de posterioribus quidem obstaculis duobus deinceps suo loco seorsim. Causa vero huius *ταράξεως* in textu nominatur *ἄγγελος*. Hanc itaque vocem, vt suae accommodet sententiae Vir doctissimus, per eam intelligit vim siue *potentiam a Deo naturae inditam*. Vtque speciem huic sententiae suae inducat, obseruat vocem *קדש* Hebraeorum more virtutem Dei etiam significare, Deo autem et virtuti diuinae immediate saepe tribui effectus, quos per causas naturales mediata virtute sciamus emeruisse. Imo et Ps. CIV. v. 4. *Ventum et ignem ange-*
los

los dici canente Regio Vate quod faciat Deus angelos suos spiritus et ministros suos ignem vrentem. Et ne ex voce καταβαίνειν nascatur dubium, obseruat ex Suida idem eam notare quod χωρεῖν h. e. *venire* simpliciter, promiscuoque vsu venire ἐμβαίνειν et καταβαίνειν vt Hebraeorum נָנִי. Verum dici ἄγγελον potentiam naturalem a Deo rei creatae inditam, argutationibus sepositis, vel vnico exemplo nobis probari velim. Locum Dauidis quod attinet, in eo, vt Bartholinianam interpretationem admittam, cui tamen Paulinam allegationem ad Ebr. cap. I. haut parum obesse existimo; non potentia vel virtus agendi in creatura, quae certis temporibus in ea se exerat, vt medica vis in aqua *Bethesdae*, adeoque tanquam ἄγγελος ei adueniat, נִלְמָא dicitur: verum ipsa creatura, quatenus spectatur tanquam nutui et imperio Dei, ad certas quasdam res in vsus hominum expediendas, obnoxia. Obseruandumque praeterea, in poetico isto dicendi genere multa adhiberi schemata figurasque παρρησιότητες, quae in Historico stylo locum non inueniant. Certe enim vt *nubes* nemo Historicus ita absolute *currus Dei* appellauerit; ita nec ignem et ventos, *angelos Dei*, nullo addito, quod ne in carmine quidem illo praetermittitur, rei quam animo intendat indicio, dicturum puto, vel dixisse vsquam inuenio.

§. XVIII. De MODO, quo medicam vim hisce lacus Bethesda aquis conciliatam esse existimant Viri docti, satis. Jam de MODO quo eam illae exeruerint porro erat dicendum. At co antequam deueniamus, dispiciendum ante omnia, quinam morbi extiterint, quibus medela aquis istis fuit parata? Dicuntur itaque expectasse ab illis salutem πλῆθος πολὺ τῶν ἀδυνάτων, τυφλῶν, χωλῶν, ξηρῶν, *magna infirmorum multitudo, coecorum, claudorum, aridorum*, et paulo post additur, quemcunque qui ingressus esset sanatum esse ὃ δὴ ποτε κατείχετο νοσήματι, *quocunque morbo obsideretur.* Hic ex Hammondo quaererem primum an sordes visceribus animantium detritas putet istis sanandis morbis pares esse posse? De coecis profecto id mini-

me sibi persuaderi patientur Medicorum filii. Nec suis aquis thermalibus ceterisque lymphis medicatis hanc vim tribuere audet Bartholinus, indeque ad *coecitatem*, cui hic medela speranda, suo ingenio explicandam recurrit. *Miraculo inquit res non careret, si confirmata a primis incunabulis producta coecitas eo fonte illuminaretur. Non de his sed leuioribus oculorum visusque defectibus et vitiis sermo est, medicata vnda abstergendis.* Verum primo nullo iure restringit Bartholinus vocem $\tau\upsilon\phi\lambda\tilde{\alpha}$, sola hypothese ductus, nulla textus circumstantia adiutus. Deinde si concedamus vel maxime, eos qui ab ipsis natalibus coeci extitere excludi hic posse, vere *coecos* saltem, hoc est oculorum lumine plane orbatos hic intelligi fas est, tales enim $\tau\upsilon\phi\lambda\tilde{\omega}\nu$ nomine intelligendos esse, perpetuus linguae Graecae usus loquitur. At tales medicatis aquis sanari posse ne ipse quidem Bartholinus audet affirmare, omniaque oculis allatae per medicatas aquas salutis exempla, quae quidem ipse produxit, de languidis tantum et hebetudine quadam laborantibus oculis loquuntur. Quin etiam cum isti oculorum morbi diuersas aduersasque plane causas habere possint, magis etiam restringendus vocis $\tau\upsilon\phi\lambda\tilde{\omega}\nu$ Bartholino significatus erit, vt paucis tantum ex coecorum genere *piscinam Bethesdae* dicat profuisse. Eadem pleraque de ceteris morbis hic nominatis affirmari possunt. Mirumque tantam esse potuisse aegrotorum salutis expectationem apud illas aquas, vt ne XXXIIX annorum taedio quidem frangerentur, si dubia et incerta salus, paucisque tantum morbis proficuae illae esse potuerunt. At, quod palmarium est, diserte Euangelista dicit, primum aquas istas ingressum $\tilde{\omega}\delta\eta\pi\omicron\tau\epsilon\kappa\alpha\tau\epsilon\acute{\iota}\chi\epsilon\tau\omicron\nu\omicron\sigma\eta\mu\alpha\tau\iota$, *quocumque obsideretur morbo liberatum esse.* Sane enim lymphas medicatas certis tantummodo morborum generibus, illis nempe quibus conueniens sit materia medica, quibus in terrae visceribus tincta fuerunt atque imbuta, idoneas esse agnoscunt omnes. Norunt hoc atque explorant diligenter Medici doctiores, multisque experimentis vel Patria nostra Silesia firmat, huiusmodi aquis passim vt aliis bonis scaturiens. Notae sunt thermae Ceruimontanae ad Alpium Silesiae radices, et Svidnicenses acidulae

dulae, maxime vero acidulae apud *Aquas antiquas: quibus similes nullas alibi occurrere* Vir in naturae mysteriis perspicacissimus iudicabat. Idem *banc aquam* inquiebat, *si nota foret, et aduenientes bene essent instructi, mira facturam, et tantum undiquaq; fore concursum, ut ne aquae quidem sufficiant.* Sed omnibus morbis tamen sufficere tales aquas posse, tantum abest ut verosimile cuipiam videatur, ut nemo non, mediocri rationis usu valens, videat, ob aduersas morborum causas non nocere non posse tales fontes quibusdam, cum aliis profint interea. Vidit hoc argumentum, eiusque pondus agnouit ipse Bartholinus, vim tamen eius se effugere posse putauit, si de omnium generum morbis phrasin Sacri Scriptoris accipiat: sic enim vniuersalem affirmatiuam non raro per synecdochen generis restringi ad species obseruat. Cui sane rei confirmandae non opus erat Virum doctum ad Exod. IX, 6. XXXII, 3. Matth. IV, 13. Actor. X, 12. prouocare, concessum enim apud omnes *Signum vniuersale* accipi quandoque, ut in Scholis loqui amant, pro *generibus singulorum*, imo etiam pro quibusdam alicuius generis tantum speciebus. At non satis feliciter illa obseruatio ad hunc locum applicatur. Non enim hic adhibetur nomen adiectiuum $\pi\acute{\alpha}\varsigma$ vel aliud aequipollens, sed $\omega\delta\eta\pi\omicron\tau\epsilon$, quod ex linguae Graecae usu et indole determinatum habet ad omnimodam vniuersalitatem significatum, respondetque Germanicae phrasi *es möchte seyn was es für eine wolte* *quicunque modo ille esset*: nec certe vllum quo ista obseruatio infringatur poterit proferri exemplum: quod donec suppeditet nobis vel Bartholinus vel Hammondus, firmum hocce argumentum persistere putabimus.

§. XIX. Jam quantum ad MODVM horum morborum in aquis illis sanandorum porro attinet, soli secundum Euangelistam illi qui $\pi\rho\omega\tau\omicron\varsigma\ \epsilon\nu\epsilon\beta\alpha\iota\omega\epsilon\ \mu\epsilon\tau\alpha\ \tau\eta\nu\ \tau\alpha\rho\alpha\chi\eta\nu\ \tau\delta\ \upsilon\delta\alpha\tau\omicron\varsigma$ *primus post perturbationem aquae ingrederetur*, Medicina ista profuit. Hammondus ut istum nodum soluat, angustiores $\kappa\omicron\lambda\upsilon\mu\beta\acute{\eta}\theta\rho\alpha\nu$ fuisse ait, ut maior esset pharmacorum arctius coniunctorum, et minori aquae portione dilutorum vis atque efficacia, vniue adeo tantum capiendo

do idoneam : Materiam vero istam qua saturabatur commota aqua facile subsedisse, vt non nisi vnico balneum hocce prodesse potuerit. Verum quum aliquot dierum interuallo continuo affluxisse ex *Hammondi* hypothese necesse sit sordes istas ex victimis, et per emissaria sua ex parte iterum esse dilapsas, nulla ratio apparet, cur non repeti saltem potuerit haec per balneum medicina. Imo quomodo potuit considerare lutum, ab ipso ingrediente aegro non minus ac a ministro agitatum? Demum, vt fuerit angustissima illa piscina, duobus saltem hominibus, succedentibus sibi inuicem, suffecisse eius virtus videtur ex ipsis *Hammondi* concessis, qui rationem durantis tantillo tempore virtutis medicae allegans, ad moram confugit, quae ministro ad commouendam aquam in eo erat trahenda : quam si alii aegroto, qui aequae commouere aquas poterat, tribuamus, vim istam naturalem duobus prodesse potuisse non immerito credas : quae ex parte *Bartholino* quoque opponi possunt, cuius vltima explicatio huius nodi ab *Hammondiana* in re ipsa non dissentit. At aliam rationem ternam commentus est idem istis sese expediendi. Nam primo ὁ πρῶτος inquit non tam ordinem notat, quam tempus, vt sensus sit : *qui statim post motum piscinae eam ingressus sit, eum sanatum esse* : Sic Medicos ait vrgeret τὴν πρώτην in elleboro exhibendo, aliisque similibus. Verum hic alia plane constructionis ratio est, nec putem exemplo firmari posse quod πρῶτον ποιεῖν τι significet statim aliquid facere. Sed nec ipse satis confusus huic interpretationi *Bartholinus*, *si πρῶτος inquit natua nominis significatione seruandum collectiuum crederem numeri singularis pro plurali*. At vt paucis respondeam hoc quoque Φάρμακον esse σοφὸν quidem et callidum, sed minus solidum, patet ex *Paralytici* quærela ἐν ᾧ δὲ ἔρχομαι ἐγὼ ἄλλος πρὸ ἐμῆ καταβαίνει, vbi solum hoc, quod prior alius ingrediatur, pro causa expectationis irritae adducitur. Denique ait aegro corpore contaminatas aquas vim medicam amisisse : illane vero redire, per emissaria eductis illis, quae contaminatae fuerant, aquis, aliisque succedentibus, denique adeo prodesse potuisset?

§. XX. Sed & illud in MODO huius curationis obseruandum, quod vna lotionem, atque adeo in instanti peracta ea fuerit, quod rursus aquarum medicatarum vires superare manifestum est. Hocque eo magis quo magis *Hammondi* & *Bartholini* coniecturis concesseris. Illi enim rationem reddituri cur vni profuerit tantum haec medicina, subsidentis cito nimis materiae culpam eam esse dicunt, ut adeo hoc breuioris fuerit temporis illa curatio, quo citius particulas illas, medicam vim aquae conciliantes subsidere existimaerint. Sed utcunque visum fuerit de illo, hoc pro certo tenemus, verum morbum vnico in aquis medicatis balneo penitus sublatum esse, vel tolli etiam posse, neminem facile demonstraturum.

Joh. XV. 24. §. XXI. Quod vero Bartholinus existimat gloriae miraculorum Christi detrahi, & Spiritui S. contradici, qui testetur miracula Christum patrasse ὁ ὁδεὶς ἄλλος πεποίηκε, si virtutem miraculosam tribuamus *Bethesdae piscinae* morbos sanandi virtuti Christi *δαυματοποιῶ* similem; in eo profecto nimis esse videtur religiosus. Certe Christus fecit miracula ὁ ὁδεὶς ἄλλος: et licet *Mosi* quoque, *Eliae*, *Elisaeo* ceterisque Prophetis quaedam similia concedantur, morborum sanationes, mortuorum resuscitatio, aliaque eius generis, nec tamen minus verum est neminem eorum fecisse quae Christus fecit. Ille scilicet omne genus miraculorum, quandocunque visum fuerit, propria et insita virtute, solo nutu et iussu patrabat, quo ut Prophetae ceteri, ita *piscina* multo minus *Bethesdae*, utcunque morbos omnes sanasse dicatur, paria ei fecisse neutiquam affirmari potest.

§. XXII. Multo minus ex illo argumentari eum velim, quod tempore eo miracula ab annis fere 400 in Iudaica Ecclesia cessauisse, et per solum Saluatorem ea aetate patranda fuisse, quo rectius agnosceretur quod sit ὁ ἐρχόμενος, verosimile videatur. Ut enim concedamus per homines eo tempore patrata frequenter nimis miracula haut fuisse, (quamuis tamen daemonia eiecta a Iudaeis quoque hisce temporibus nonnulli, non sine omni ratione, ex ipsa N.T. historia colligant;) at alia tamen phaenomena naturae legibus

bus non metienda passim se exerebant. Miraculo loquendi facultas Zachariae, sacra peragenti, eripiebatur, filioque nato restituebatur. Miraculo vetula Zachariae coniux concipiebat: taceo alia, quorum non satis tuta fides, cum ista sufficere possint ad demonstrandum miracula 400 ante Christum annis in Ecclesia Iudaica non penitus desisse.

§. XXIII. Silentium Judaeorum de miraculo *piscinae* merito Bartholinus inter argumenta sententiae suae omittere poterat, nam et alias argumenta huiusmodi, quae a silentio quorundam scriptorum ducuntur, exiguo pretio aestimarifolent, et duos scriptores *Josephum* et *Philonem*, plures enim ex antiquioribus Judaeis non habemus, eius mentionem praetermisisse non mirum. Quid enim? an quemuis scriptorem omnia gentis suae memorabilia consignasse putabimus? Nec alia desunt quorum nulla apud eos pariter ac alios scriptores mentio: Census v.g. tempore Herodis M. in Judaea acti, infanticidiū Herodianum, et alii insigniores euentus, de quibus dubitare tamen nefas. Quod ex *Josepho* allegat argumentum ipse destruit: Nam quando stagnum eum *a piscina probatica non multum differens describere* ait, *sed, sine miraculi mentione*: dum non multum differens dicit stagnum a *piscina nostra*, non idem tamen esse fateatur, nec quisquam idem esse solide ex *Josepho* probauerit. *Beniaminis*, scriptoris recentioris, qui *piscinae*, sed absque miraculi mentione meminit, nulla hic est autoritas, qui illorum quae fando perceperat partem, quae sibi maxime visa est verosimilis, in scripta retulit. Apud *Nonnum* Joannis Paraphrasten *Angeli motionem* silentio praetermissam et *αὐτομάτων ἀλμαῶν* mentionem fieri agnoscimus; inde tamen non sequitur vim diuinam et praeternaturalem eum hic nullam agnouisse. Certe enim quae virtute diuina patrantur miracula, more Hebraeorum vel ipsi Deo vel Angelis, per quos multa inter homines patrantur, tribui perinde posse censebat, cuius operatio sensibus minime obuia *αὐτομάτων ἀλμαῶν* speciem praebuerit. Saltem certo affirmari non potest *Nonnum* nihil diuini hic agnouisse, cum mancus sit locus quo ista exponuntur, deesseque

L. VI. Ant.
c. VI.

Hom. 34. in
Job.

possint ea ipsa, quae ad rem maxime pertinent: diserte vero *ἐν αὐτῇ* ab ipso haec *piscina* vocitetur, vt *ἐκλεχθῆναι* ob hoc ipsum miraculum supra Theophylacto dici audiuius. Saltem si ita censuit *Nonnus*, discedit à reliquis Patribus qui in istam historiam inciderunt. *Rudolphi* autem *Gualteri* testimonium, Judaeos veteres naturalem credidisse huius *piscinae* virtutem dicentis, ideoque nullam eius in scriptis eorum fieri mentionem, coniectura nititur parum solida, et per ea quae sub initium huius § monuimus concidere videtur.

§. XXIV. Sed colores tamen alii doctissimo Bartholino non desunt, quibus Helenam suam pingere allaborat, quae an dignae sint tanti viri ingenio et eruditione aequiorum esto iudicium. Non succensuisse Judaeos Christo ait, quod vim diuinam aquae eluserit, facturos id haut dubie si talem vim ei inesse credidissent, cum id hic potius arripiant quod die Sabbati medicinam exercuerit. Verum quid mirum causam arripuisse Judaeos, quam maxime omnibus probabilem fore iudicarent, omissa ea quae friuola plerisque non videri non poterat. Quid enim hoc ad vim diuinam aquae eludendam pertineat, si quis, quae paucissimis tantum ab aquis illis expectanda erat, salutem aliis mediis aegrotis restituat? An propter istas aquas omnes in tota Iudaea Medicos extirpatos voluisse Judaeos, si diuinaseas credidissent, Bartholinus existimat? Nec maior vis in eo est, quod Judaeos exprobraturos fuisse Christo putat, per *piscinam* miraculosam admiranda opera eum edere, si vim quandam diuinam istis aquis tribuissent, vt quod verosimilius obiicere potuerint multo, quam per Beelzebub ab ipso ea praestari. Quomodo enim hoc obiicere potuissent verosimilius, cum *κατὰ καὶ* tantum piscina virtute ista valuerit, Christi vero miracula omnium essent horarum? lauacro insuper opus fuerit harum aquarum, et quotidie experiri vnicuius licuerit, earum adiumento nihil operibus Christi simile praestari posse? Quod *vulgus* dicit non ita miraturum fuisse opera Christi, eumque Filii Davidis titulo propter ea insigniturum, si similem curandi felicitatem in piscina obseruasset: Id inuertimus, imo ideo, dicentes, populum opera Christi esse
admi-

admiratum, quia quae diuina virtute piscinam efficere crederent, Christum quoque non alia virtute tam frequenter, iuxta cum maioribus longe, patrare posse iudicarent. Sed et illud infirmisimum: *Omnes aegri, inquit, hoc pacto in Iudaea sine Christo valetudinem amissam recuperassent? Quomodo vero? cum rarior, et vt plerique existimant, quotannis vis illa in piscina se prodiderit, et huic de quo agimus Paralytico XXXIIX annorum expectatione non fuerit consultum. Quot aegri vel illa anni tempestate, quo aquae vim eam non obtinebant, poterant et decumbere et a morbis liberari? Saltem inquit Centurio de puero* *Matth. VIII.* *suo paralytico anxie adeo non laborasset, quum per milites facile amoueri potuerint in piscinam ingressuri. At vero praesenti medicina ei opuserat, δεινὸς βασιζομένη, et temporis pariter et loci, (decumbebat enim apud urbem Capernaum,) interuallo a curatione, quae ex piscina Bethesdae expectanda erat nimis remoto: vt centies malo, antequam inde remedium acciperet, potuerit succumbere. Pone enim quod visum plerisque, Paschalitempore Angeli ταραχῇ commotas Bethesdae aquas fuisse: Paulo post Pascha miserum istum paralyti fuisse correptum, an anni spatio βασιζέσθαι debebat, cum ad manum esset a Salvatore medicina? quid quod armis forte locus sacer non fuerit polluendus, aliaeque esse possint causae, quae vt centurio Christi praeferret opem efficere potuere. Quicquid sit, ratiunculas istas nimis longe petitas, & mille modis facile dispellendas, nemini serio agenti satisfacere posse, ego quidem existimem.*

TANTUM.



VIRO

VIRO MAXIME VENERANDO
DOMINO
SIGISMUNDO EBERSBACH,

Ecclesiae Suidnicensis Archidiacono

S. P.

GOTTFRIDVS OLEARIVS.



*N*empe est ingenuae virtutis id quod est, malle esse quam videri, meritisque potius atque opere, quam fama et testibus honorumque titulis niti; quas ut contemnenda minime sunt ornamenta, ita tamen in ea fortunae saepius plus quam ipsi virtuti potestatis esse videas. Quod spectans, Vir Maxime Reuerende, filius tuus, ut habet animum non tetricae atque inutilis, sed omni vitae regendae maxime accommodae sapientiae praeceptis apprime imbutum, non contentus priuatis virorum summorum, a quorum ore in hac Academia pependit, laudibus, post quas meae quoque incedunt, obscurae echus more illis subludentes: nec amplissimo totius Ordinis nostri testimonio, qui summos, quorum potis est, honores nuper ipsi unanimi suffragio decreuit: solidiora quibus spes tuas solaretur atque firmaret, curas remuneraretur, argumenta quaesivit. Horum in lucem proferendorum non adiutorem, nec prolatorum siue defensorem siue Praesidem vel ipse me iungere illi volui, vel ut iungerem opus erat; spectatorem credo me esse sibi voluit, ut qui eius in examine priuato, nomine SERENISSIMI ACADEMIAE nostrae CANCELLARII spectassem certamina et iudicassem, publico quoque huic agoni praecesssem, nouumque argumentum latae, PRINCIPIS auctoritate, sententiae acciperem. Quo minus autem ego vel a natura ad laudes prodige effundendas factus sum atque compositus, vel seruilibus blandimentis, et sermone fucis et mendaciis pleno ad te arreperere a munere, quod nunc gero, permittor: hoc magis sinceram esse gratulationem meam, qua tibi Filium ex voto obtigisse, et quales esse velint suos omnes boni, ex animo gratulor, existimabis. Hunc Deus Tibi imminetis senectae tuae fulcrum, Te illi floridae eius iuuentae, senili sapientia confirmandae, firmum praesidium, diutissime seruet: utque posteris commemorandum parentalis felicitatis exemplum existas efficiat. B. V. Scribeb. Lipsiae d. IV. Kalend. Febr. A. cld lcccvi.